

DIALUNA 30 DECEMBER 2019

# DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

1,75 FLORIN

SALUD

Hopi hende  
buscando  
remedi  
anti-griep den  
botica

## Jonathan Croes y Julisa Boekhoudt ta ganadornan maximo di Dande 2019



ORANJESTAD (AAN): Diasabra anochi un biaha mas a tuma lugar den Centro Caiquetio na Paradera, e Festival di Dande.

Na final a toca honor pa Ministro Xiomara Maduro corona Jonathan Croes como Rey di Dande 2019.

Tambe a corona Julisa Boekhoudt como Reina di Dande 2019. Publico a keda satisfecho cu e resultado.



## Jonathan Croes y Julisa Boekhoudt ta ganadornan maximo di Dande 2019



ORANJESTAD (AAN): Diasabra anochi un biaha mas a tuma lugar den Centro Caiquetio na Paradera, e Festival di Dande.

Den Centro Caiquetio, e cantante y e gruponan ta sinti nan mes “mas comodo” y tambe mas na cas, como cu publico ta hopi cerca. Di e forma ey bo ta sinti e sonido mihor, y bo tin di djis rek man un tiki y pone bo contribucion den e sombre di e cantante.

Na final a toca honor

pa Ministro Xiomara Maduro corona Jonathan Croes como Rey di Dande 2019.

Tambe a corona Julisa Boekhoudt como Reina di Dande 2019. Publico a keda satisfecho cu e resultado.

Na di dos lugar di Dande pa Dama, a keda Priscila Quant, y na di tres lugar tin Raquel Lampe.

Na di dos lugar di Dande pa Cabayero, a keda Jair Boekhoudt, y na di tres lugar tin Jayson Kelly.

Den e competencia di Propio Composicion 2019, e ganador a bira Jayson Kelly y Emilenne Boekhoudt-Maduro cu e cancion “Ta Aki Bo Mester Ta”. Nan a wordo acompaña pa Sabor Criollo.

E di dos lugar di Propio Composicion a bay pa Quincy Hasham cu e cancion “Tur Cas Ta Mi Cas”, acompaña pa Robert y su Alma Folclorico.

Di tres lugar di Propio Composicion a bay pa Joan Werleman cu e cancion “Mi Dande Mi Bida”, acompaña pa Grupo Stima Mi.

Pa e categoria di Tipico, e prome lugar a bay pa Grupo La Bomba. Di dos lugar a bay pa Tipico Palisia. Di tres lugar a bay pa Tipico Ayo.

